

Bil. S 84

PERLEMBAGAAN NEGARA BRUNEI DARUSSALAM
(Perintah di bawah Perkara 83(3))

PERINTAH KOLEJ UNIVERSITI PERGURUAN UGAMA SERI BEGAWAN, 2008

SUSUNAN BAB-BAB

Bab

1. Gelaran, permulaan kuatkuasa dan gelaran panjang.
2. Tafsiran.
3. Perlembagaan Kolej Universiti.
4. Alamat penyampaian pejabat.
5. Salinan-salinan statut dll. hendaklah disimpan di Pejabat Kolej Universiti.
6. Bantuan dan akaun Kolej Universiti.
7. Pengambilan tanah bagi maksud-maksud Kolej Universiti.
8. Aturan-aturan.
9. Pengecualian dari cukai harta pusaka.
10. Pemberian kepada Kolej Universiti dikecualikan dari cukai pendapatan.
11. Pengenaan S 1/05 kepada badan-badan pelajar.
12. Perlaksanaan perbuatan dll. yang dilakukan sebelum tarikh permulaan kuatkuasa.
13. Pindaan dll. Perlembagaan.
14. Peruntukan-peruntukan peralihan.

JADUAL – PERLEMBAGAAN KOLEJ UNIVERSITI PERGURUAN UGAMA SERI BEGAWAN

PERLEMBAGAAN NEGARA BRUNEI DARUSSALAM
(Perintah di bawah Perkara 83(3))

PERINTAH KOLEJ UNIVERSITI PERGURUAN UGAMA SERI BEGAWAN, 2008

Pada menjalankan kuasa yang diberikan oleh Perkara 83(3) dari Perlembagaan Negara Brunei Darussalam, maka Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut –

Gelaran, permulaan kuatkuasa dan gelaran panjang.

1. (1) Perintah ini boleh digelar sebagai Perintah Kolej Universiti Perguruan Ugama Seri Begawan, 2008 dan hendaklah mula berjalan kuatkuasanya pada suatu tarikh yang akan ditetapkan oleh Menteri Hal Ehwal Ugama, dengan titah perkenan Kebawah Duli Yang Maha Mulia Paduka Seri Baginda Sultan dan Yang Di-Pertuan, dengan pemberitahuan dalam *Warta Kerajaan*.

(2) Gelaran panjang Perintah ini adalah "Suatu Perintah untuk menubuhkan sebuah kolej universiti yang dikenali sebagai Kolej Universiti Perguruan Ugama Seri Begawan sebagai sebuah institusi pembelajaran tinggi bagi guru-guru ugama dengan taraf sebuah universiti dan bagi maksud-maksud lain yang berkaitan atau berhubung dengannya".

Tafsiran.

2. Dalam Perintah ini, melainkan jika maksudnya berkehendakkan makna yang lain –

"Perlembagaan" bermakna Perlembagaan Kolej Universiti yang dinyatakan dalam Jadual kepada Perintah ini;

"Kolej Universiti" bermakna Kolej Universiti Perguruan Ugama Seri Begawan yang ditubuhkan oleh bab 3 dari Perlembagaan;

"peraturan" mempunyai makna yang sama sebagaimana dalam Perlembagaan;

"statut" mempunyai makna yang sama sebagaimana dalam Perlembagaan.

Perlembagaan Kolej Universiti.

3. Peruntukan-peruntukan Perlembagaan hendaklah, pada tarikh permulaan kuatkuasa Perintah ini, berkuatkuasa dan mempunyai kuatkuasa undang-undang.

Alamat penyampaian pejabat.

4. (1) Kolej Universiti hendaklah menjaga dan menyelenggarakan sebuah pejabat di Negara Brunei Darussalam yang akan menjadi alamat penyampaiannya bagi semua notis dan semua jenis perhubungan bertulis yang lain.

(2) Semua notis dan perhubungan bertulis yang lain hendaklah, jika ditinggalkan di pejabat yang dijaga dan diselenggarakan di bawah cerai (1), dianggap sebagai telah disampaikan atau dihantar kepada Kolej Universiti atau pegawai atau pihak berkuasa yang kepadanya notis dan perhubungan bertulis yang lain itu mungkin telah ditujukan.

Salinan-salinan statut dll. hendaklah disimpan di Pejabat Kolej Universiti.

5. Kolej Universiti hendaklah menyimpan di pejabat yang disebutkan dalam bab 4(1) satu salinan setiap statut, peraturan atau dokumen semasa lain yang dikehendaki untuk disiarkan di bawah Perintah ini atau Perlembagaan, dan hendaklah menyediakannya pada setiap waktu yang munasabah untuk diperiksa oleh orang ramai dan, jika sebarang buku atau salinan-salinan dokumen dikehendaki tersedia, di bawah Perintah ini atau Perlembagaan, untuk dibeli oleh orang ramai, buku-buku atau salinan-salinan tersebut hendaklah tersedia untuk dibeli di pejabat itu atau di suatu tempat lain di dalam Negara Brunei Darussalam sebagaimana yang mungkin difikirkan patut oleh Kolej Universiti.

Bantuan dan akaun Kolej Universiti.

6. (1) Menteri Kewangan hendaklah menyebabkan untuk dibayar kepada Kolej Universiti wang-wang sebagaimana yang mungkin dibenarkan oleh Kerajaan dari masa ke semasa sebagai bantuan kepada Kolej Universiti.

(2) Semua wang yang dibayar kepada Kolej Universiti di bawah cerai (1) hendaklah digunakan atau dibelanjakan oleh Kolej Universiti bagi semua atau sebarang maksud Kolej Universiti menurut anggaran yang dibenarkan di bawah Bahagian V Perlembagaan.

(3) Satu salinan akaun Kolej Universiti bagi setiap tahun kewangan apabila disediakan dan diaudit menurut Perlembagaan hendaklah, dengan seberapa segera yang boleh setelah pengauditan itu selesai, dihantar kepada Menteri Kewangan.

Pengambilan tanah bagi maksud-maksud Kolej Universiti.

7. (1) Jika sebarang harta tak alih, bukannya tanah Kerajaan, diperlukan bagi maksud-maksud Kolej Universiti, Kebawah Duli Yang Maha Mulia Paduka Seri Baginda Sultan dan Yang Di-Pertuan boleh mengarahkan supaya harta itu diambil dan dalam hal tersebut harta itu boleh diambil menurut peruntukan-peruntukan sebarang undang-undang bertulis yang berkaitan dengan pengambilan tanah bagi

suatu tujuan awam dan sebarang pengisytiharan yang dikehendaki di bawah sebarang undang-undang bertulis tersebut bahawa harta itu adalah diperlukan demikian boleh dibuat walaupun pampasan dibayar dari dana Kolej Universiti, dan pengisytiharan tersebut hendaklah berkuatkuasa seolah-olah ia adalah suatu pengisytiharan bahawa tanah itu adalah diperlukan bagi suatu tujuan awam yang dibuat menurut undang-undang bertulis tersebut.

(2) Perbelanjaan dan pampasan berkaitan dengan sebarang harta tak alih yang diambil di bawah ceraian (1) hendaklah dibayar oleh Kolej Universiti atau dari dana yang diperuntukkan oleh Kerajaan kepada Kolej Universiti bagi tujuan tersebut.

(3) Semua tanah Kerajaan yang diberikan atau harta tak alih yang diambil di bawah bab ini hendaklah terletak pada Kolej Universiti, dan suatu catatan bagi maksud itu dalam daftar yang betul hendaklah dibuat oleh pihak berkuasa pendaftaran yang berkenaan.

Aturan-aturan.

8. Kebawah Duli Yang Maha Mulia Paduka Seri Baginda Sultan dan Yang Di-Pertuan boleh membuat aturan-aturan pada amnya bagi maksud-maksud Perintah ini dan boleh dalam aturan-aturan tersebut —

(a) mengadakan peruntukan bagi pentadbiran sebarang amanah oleh Kolej Universiti;

(b) mengecualikan daripada peruntukan-peruntukan bab 3 dari Akta Setem (Penggaj 34) sebarang suratcara yang dikatakan telah disempurnakan di bawah peruntukan-peruntukan bab 42 dari Perlembagaan;

(c) pada amnya membuat peruntukan-peruntukan sebagaimana yang mungkin perlu disebabkan oleh penubuhan Kolej Universiti.

Pengecualian dari cukai harta pusaka.

9. Tiada cukai harta pusaka boleh dibayar berkaitan dengan jumlah sebarang pewasiatan kepada Kolej Universiti, dan nilai harta yang berpindah dengan kematian mana-mana orang hendaklah dianggap tidak termasuk jumlah pewasiatan tersebut bagi maksud menetapkan kadar cukai harta pusaka.

Pemberian kepada Kolej Universiti dikecualikan dari cukai pendapatan.

10. Kolej Universiti hendaklah dianggap sebagai sebuah institusi khairat bagi maksud-maksud bab 10(1)(f) dari Akta Cukai Pendapatan (Penggaj 35).

Pengenaaan S 1/05 kepada badan-badan pelajar.

11. (1) Dengan tidak menghiraukan apa-apa yang bertentangan dalam Perintah Pertubuhan, 2005 (S 1/05), peruntukan-peruntukan Perintah itu hendaklah berkuatkuasa berkenaan dengan Persatuan Pelajar Kolej Universiti Perguruan Ugama Seri Begawan, badan-badan utamanya, badan-badan pelajar yang lain dan Persatuan Siswazah yang ditubuhkan menurut Perlembagaan.

(2) Menteri yang berkenaan boleh, dengan perintah yang disiarkan dalam *Warta Kerajaan*, mengecualikan Persatuan Pelajar Kolej Universiti Perguruan Ugama Seri Begawan dan mana-mana badan utamanya atau mana-mana badan pelajar yang lain atau Persatuan Siswazah dari semua atau sebarang peruntukan Perintah Pertubuhan, 2005 (S 1/05) tertakluk kepada syarat-syarat sebagaimana yang mungkin dinyatakan dalam perintah itu.

Perlaksanaan perbuataan dll. yang dilakukan sebelum tarikh permulaan kuatkuasa.

12. Apa-apa jua yang dilakukan atau sebarang lantikan yang dibuat untuk, oleh dan bagi pihak Kolej Universiti sebelum tarikh permulaan kuatkuasa Perintah ini hendaklah, pada dan selepas tarikh itu, dianggap telah dibuat untuk, oleh atau bagi pihak Kolej Universiti.

Pindaan dll. Perlembagaan.

13. Kebawah Duli Yang Maha Mulia Paduka Seri Baginda Sultan dan Yang Di-Pertuan boleh meminda, mengubah atau menambah peruntukan-peruntukan Perlembagaan atau mengecualikan mana-mana orang atau golongan orang dari sebarang peruntukan tersebut.

Peruntukan-peruntukan peralihan.

14. Peruntukan-peruntukan peralihan dalam bab 59 dari Perlembagaan hendaklah berkuatkuasa.

JADUAL

PERLEMBAGAAN KOLEJ UNIVERSITI PERGURUAN UGAMA SERI BEGAWAN

PERMULAAN

Gelaran.

1. Perlembagaan ini boleh digelar sebagai Perlembagaan Kolej Universiti Perguruan Ugama Seri Begawan.

Tafsiran.

2. (1) Dalam Perlembagaan ini, melainkan jika maksudnya berkehendakkan makna yang lain —

"pihak berkuasa" bermakna mana-mana pihak berkuasa Kolej Universiti yang disebut dalam bab 14 dan termasuk mana-mana pihak berkuasa yang ditubuhkan oleh statut;

"Bendahari" bermakna Bendahari Kolej Universiti;

"kursi" bermakna jawatan profesor;

"Konvokesyen" bermakna Konvokesyen yang diadakan menurut bab 52(1);

"Majlis" bermakna Majlis Kolej Universiti yang ditubuhkan menurut bab 15(1);

"Fakulti" bermakna sebuah Fakulti yang ditubuhkan menurut bab 18;

"Persatuan Siswazah" bermakna Persatuan yang dibentuk dan ditubuhkan menurut bab 23;

"institusi" bermakna sebuah Fakulti, Pusat atau Sekolah yang ditubuhkan di bawah bab 18;

"Kolej Universiti" bermakna Kolej Universiti Perguruan Ugama Seri Begawan;

"Perintah" bermakna Perintah Kolej Universiti Perguruan Ugama Seri Begawan, 2008;

"pegawai utama" bermakna Canselor, Pro-Canselor, Ra'es, Timbalan Ra'es, Penolong Ra'es, Dekan Fakulti, Ketua Pusat atau Sekolah, Pendaftar, Ketua Perpustakaan, Bendahari, Ketua Estet atau pemegang mana-mana jawatan yang diwujudkan oleh statut dan diberikan taraf sedemikian;

"Pendaftar" bermakna Pendaftar Kolej Universiti;

"peraturan" bermakna sebarang peraturan yang dibuat menurut peruntukan-peruntukan Perlembagaan ini atau mana-mana statut;

"Senat" bermakna Senat Kolej Universiti yang ditubuhkan menurut bab 17;

"statut" bermakna mana-mana statut yang dibuat menurut Perlembagaan ini;

"guru" bermakna seseorang yang dilantik menjadi guru oleh Majlis menurut Perlembagaan ini, dan termasuk seorang profesor, profesor madya, pensyarah kanan, pensyarah atau penolong pensyarah;

(2) Sebutan-sebutan dalam Perlembagaan ini kepada suatu bab adalah sebutan-sebutan kepada suatu bab Perlembagaan ini.

BAHAGIAN I

KOLEJ UNIVERSITI

Penubuhan Kolej Universiti sebagai badan korporat.

3. Adalah dengan ini ditubuhkan menurut peruntukan-peruntukan Perlembagaan ini sebuah kolej universiti dengan taraf sebuah universiti yang dinamakan dan digelar Kolej Universiti Perguruan Ugama Seri Begawan dan dengan nama dan gelaran itu, Canselor, Pro-Canselor, Ra'es dan ahli-ahli Majlis dan Senat adalah dengan ini ditubuhkan sebagai suatu badan korporat yang kekal turun-temurun, dan mempunyai kuasa dan autoriti penuh di bawah nama tersebut —

(a) untuk memegang tanah;

(b) untuk mendakwa dan didakwa;

(c) untuk mempunyai dan menggunakan suatu meterai biasa dan dari masa ke semasa menukar dan membuat baru meterai itu sebagaimana yang difikirkannya patut;

(d) bagi maksud-maksud Perlembagaan ini dan tertakluk kepada statut-statut dan peraturan-peraturan, untuk membeli sebarang harta dan untuk mengambil, menerima dan memegang sebarang harta tersebut yang mungkin menjadi terletakhak padanya menurut sebarang pembelian tersebut, atau melalui sebarang pertukaran, pemberian, derma, pajakan, pemberian berwasiat ataupun selainnya;

(e) untuk menjual, menggadaijanji, memajakkan, menukar ataupun selainnya melupuskan sebarang harta tersebut; dan

(f) untuk menjalankan dan melaksanakan, menurut peruntukan-peruntukan Perlembagaan ini dan statut-statut dan peraturan-peraturan, semua kuasa dan kewajipan yang diberikan atau dikenakan kepada Kolej Universiti oleh peruntukan-peruntukan tersebut.

Kuasa-kuasa Kolej Universiti.

4. (1) Kolej Universiti hendaklah, tertakluk kepada peruntukan-peruntukan Perlembagaan ini, mempunyai kuasa-kuasa yang berikut —

(a) untuk menyediakan kursus pengajaran, mengadakan peperiksaan, membuat peruntukan bagi penyelidikan, dan mengambil langkah-langkah lain sebagaimana yang mungkin didapati perlu atau mustahak bagi meningkatkan dan menyebarkan ilmu pengetahuan;

(b) untuk menganugerahkan ijazah dan diploma termasuk ijazah dan diploma luaran kepada orang-orang yang telah mengikuti kursus-kursus pengajian yang diluluskan oleh Kolej Universiti dan telah memenuhi kehendak-kehendak lain sebagaimana yang mungkin ditetapkan oleh statut atau peraturan;

(c) untuk mengiktiraf ijazah dan diploma daripada institusi-institusi pembelajaran tinggi yang lain bagi maksud penerimaan masuk untuk mengikuti kursus-kursus dan menduduki peperiksaan-peperiksaan Kolej Universiti dan penganugerahan ijazah-ijazah yang lebih tinggi kepada pemegang-pemegang ijazah atau diploma tersebut atau kepada siswazah-siswazah Kolej Universiti atas syarat-syarat sebagaimana yang mungkin ditetapkan oleh statut atau peraturan;

(d) untuk menganugerahkan ijazah kepada guru-guru Kolej Universiti yang telah memenuhi kehendak-kehendak sebagaimana yang mungkin ditetapkan oleh statut atau peraturan;

(e) untuk menganugerahkan ijazah kehormat kepada orang-orang yang telah memberi sumbangan terhadap peningkatan atau penyebaran ilmu pengetahuan atau yang telah menyumbangkan perkhidmatan awam yang cemerlang;

(f) untuk memberi sijil kepada orang-orang yang telah mencapai kemahiran dalam mana-mana bidang atau bidang-bidang ilmu pengetahuan;

(g) untuk mengadakan kursi-kursi, jawatan-jawatan pensyarah, dan kedudukan dan jawatan lain, dan membuat lantikan-lantikan mengenainya;

(h) untuk menubuhkan percetakan Kolej Universiti dan menerbitkan buku-buku dan bahan-bahan lain;

(i) untuk mendirikan, melengkapi dan menyelenggara perpustakaan, makmal, muzium, dewan kuliah, bangunan tempat tinggal dan semua bangunan lain yang dikehendaki bagi maksud-maksud Kolej Universiti;

(j) untuk mengadakan dan menganugerahkan fellowship, biasiswa, tunjangan, dermasiswa, pingat, hadiah dan gelaran, penghormatan, anugerah lain dan bentuk bantuan lain bagi meningkatkan dan menyebarkan ilmu pengetahuan;

(k) untuk membuat pelaburan dalam harta tanah atau sekuriti (sama ada dibenarkan sebagai pelaburan pemegang amanah atau tidak) wang-wang yang mungkin terletak hak padanya bagi maksud derma kekal, sama ada bagi maksud-maksud am atau khas, atau wang-wang lain yang mungkin tidak diperlukan segera bagi perbelanjaan semasa, dengan kuasa dari masa ke semasa untuk mengubah sebarang pelaburan tersebut dan menandatangani apa-apa wang yang pada masa itu tidak dilaburkan dalam mana-mana bank sama ada dalam deposit tetap atau akaun semasa;

(l) untuk membuat kontrak, melantik kakitangan dan menubuhkan amanah sebagaimana yang mungkin dikehendaki bagi maksud-maksud Kolej Universiti;

(m) untuk melantik, menaikkan pangkat dan mendisiplinkan pegawai-pegawai, guru-guru dan kakitangan Kolej Universiti;

(n) untuk mengawalselia syarat-syarat perkhidmatan kakitangan Kolej Universiti, termasuk skim perkhidmatan, tanggagaji, cuti dan tatatertib;

(o) untuk mengawalselia dan mengadakan peruntukan bagi tempat tinggal pegawai-pegawai, guru-guru, kakitangan dan pelajar-pelajar Kolej Universiti dan kebajikan dan tatatertib guru-guru, kakitangan dan pelajar-pelajar;

(p) untuk menuntut dan menerima bayaran sebagaimana yang mungkin dari masa ke semasa ditetapkan oleh Majlis; dan

(q) untuk melakukan semua perbuatan dan perkara, sama ada bersampingan dengan kuasa-kuasa yang tersebut di atas atau tidak sebagaimana yang mungkin perlu bagi memperbaiki lagi pengajaran, penyelidikan, kewangan, pentadbiran, kebajikan dan tatatertib di Kolej Universiti.

(2) Jika Kebawah Duli Yang Maha Mulia Paduka Seri Baginda Sultan dan Yang Di-Pertuan berpuas hati bahawa adalah perlu untuk mengurniakan suatu ijazah kehormat kepada seorang pembesar luar negeri, maka Kolej Universiti, atas arahan Kebawah Duli Yang Maha Mulia, hendaklah mengurniakan ijazah tersebut sebagaimana yang dinyatakan dalam arahan itu.

Penerimaan masuk pelajar atau lantikan kakitangan.

5. Kolej Universiti hendaklah mematuhi arahan sebagaimana yang mungkin diberikan oleh Kebawah Duli Yang Maha Mulia Paduka Seri Baginda Sultan dan Yang Di-Pertuan berhubung dengan penerimaan masuk pelajar-pelajar atau lantikan kakitangan Kolej Universiti dan arahan tersebut boleh termasuk cadangan jumlah tempat atau lantikan Kolej Universiti sebagaimana yang mungkin difikirkan patut oleh Kebawah Duli Yang Maha Mulia bagi orang-orang yang merupakan rakyat Kebawah Duli Yang Maha Mulia di bawah bab 4 dari Akta Taraf Kebangsaan Brunei (Penggala 15).

Meterai Kolej Universiti.

6. (1) Meterai biasa Kolej Universiti adalah meterai sebagaimana yang mungkin diluluskan oleh Majlis.

(2) Meterai biasa Kolej Universiti hendaklah disimpan dalam jagaan Bendahari.

(3) Meterai biasa Kolej Universiti tidak boleh dibubuh pada sebarang suratcara, selain dari suatu ijazah, diploma atau sijil Kolej Universiti kecuali di hadapan Ra'ees dan seorang ahli lain Majlis yang akan menandatangani nama-nama mereka dalam suratcara itu sebagai tanda yang menunjukkan bahawa meterai itu telah dibubuh di hadapan mereka; dan tandatangan tersebut adalah keterangan yang mencukupi bahawa meterai itu telah dibubuh dengan sempurna dan sepatutnya dan bahawa meterai itu adalah meterai Kolej Universiti yang sah.

(4) Meterai Kolej Universiti hendaklah diberikan pengiktirafan rasmi dan kehakiman.

(5) Sebarang dokumen atau suratcara yang (jika disempurnakan oleh seseorang yang bukan badan korporat) tidak perlu dimeterai boleh disempurnakan dengan cara yang sama bagi pihak Kolej Universiti oleh seseorang pegawai atau mana-mana orang yang diberi kuasa pada amnya atau khasnya bagi maksud tersebut oleh Majlis.

BAHAGIAN II**PEGAWAI-PEGAWAI UTAMA KOLEJ UNIVERSITI****Canselor.**

7. (1) Hendaklah ada seorang Canselor dan dia adalah Kebawah Duli Yang Maha Mulia Paduka Seri Baginda Sultan dan Yang Di-Pertuan.

(2) Canselor hendaklah menjadi Ketua Kolej Universiti dan hendaklah mempunyai tugas-tugas yang berikut —

(a) untuk mengengeruskan mesyuarat Majlis dan sebarang Konvokesyen Kolej Universiti apabila menghadirinya;

(b) untuk menerima suatu laporan tahunan mengenai Kolej Universiti daripada Ra'es;

(c) untuk menerima laporan-laporan khas sebagaimana yang mungkin dikemukakan oleh Majlis; dan

(d) untuk menjalankan kuasa-kuasa dan kewajipan-kewajipan sebagaimana yang mungkin diberikan kepada Baginda oleh Perlembagaan ini atau mana-mana statut atau peraturan.

Pro-Canselor.

8. (1) Canselor boleh melantik orang-orang sebagai Pro-Canselor sebagaimana yang mungkin dianggap patut oleh Baginda.

(2) Jika atas sebarang sebab Canselor tidak dapat menjalankan sebarang tugas Baginda di bawah Perlembagaan ini atau mana-mana statut atau peraturan, Baginda boleh memberi kuasa kepada seorang Pro-Canselor untuk menjalankan tugas-tugas tersebut bagi pihak Baginda.

(3) Tiap-tiap Pro-Canselor hendaklah memegang jawatan selama tempoh selagi diperkenankan oleh Canselor.

Ra'es.

9. (1) Hendaklah ada seorang Ra'es yang akan dilantik oleh Kebawah Duli Yang Maha Mulia Paduka Seri Baginda Sultan dan Yang Di-Pertuan, selepas berunding dengan Menteri Hal Ehwal Ugama.

(2) Ra'es hendaklah menjadi ketua pegawai eksekutif dan akademik Kolej Universiti.

(3) Adalah menjadi kewajipan Ra'es —

(a) untuk memastikan bahawa peruntukan-peruntukan Perlembagaan ini dan statut-statut dan peraturan-peraturan dipatuhi, dan dia hendaklah mempunyai semua kuasa sebagaimana yang mungkin perlu bagi maksud ini dan, khususnya, untuk memastikan bahawa tiap-tiap pihak berkuasa atau jawatankuasa sentiasa bertindak menurut kuasa atau bidang tugasnya; dan

(b) untuk menjalankan, tertakluk kepada peruntukan-peruntukan Perlembagaan ini, penyeliaan am ke atas penyusunan bagi pengajaran, penyelidikan, kewangan, pentadbiran, kebajikan dan tatatertib di Kolej Universiti, dan untuk menjalankan kuasa-kuasa lain sebagaimana yang

orang mungkin diberi kepadanya oleh Perlembagaan ini dan mana-mana statut atau peraturan.

ersiti (4) Tempoh memegang jawatan dan syarat-syarat lain perkhidmatan bagi yang Ra'es hendaklah ditentukan oleh Kebawah Duli Yang Maha Mulia Paduka Seri Baginda Sultan dan Yang Di-Pertuan, selepas berunding dengan Majlis, dan Kolej Universiti hendaklah terikat dengannya.

ijipan (5) Tertakluk kepada peruntukan-peruntukan Perlembagaan ini atau mana-gaan mana statut atau peraturan, Ra'es hendaklah menjadi pengerusi kerana jawatan bagi tiap-tiap pihak berkuasa Kolej Universiti.

Timbalan Ra'es.

nana 10. (1) Kebawah Duli Yang Maha Mulia Paduka Seri Baginda Sultan dan Yang Di-Pertuan boleh, selepas berunding dengan Ra'es, melantik seorang Timbalan Ra'es atau lebih.

orang (2) Mana-mana orang yang layak dan sesuai dari dalam atau luar Kolej iran Universiti boleh dilantik sebagai seorang Timbalan Ra'es, dan tempoh memegang nkan jawatan dan syarat-syarat lain perkhidmatan bagi seorang Timbalan Ra'es hendaklah ditentukan oleh Kebawah Duli Yang Maha Mulia Paduka Seri Baginda Sultan dan Yang Di-Pertuan, selepas berunding dengan Majlis dan Kolej Universiti apoh hendaklah terikat dengannya.

(3) Kewajipan-kewajipan seorang Timbalan Ra'es hendaklah ditetapkan oleh Ra'es atau oleh Perlembagaan ini atau mana-mana statut atau peraturan:

Duli Dengan syarat bahawa jika sebarang kewajipan ditetapkan oleh epas Perlembagaan ini atau mana-mana statut atau peraturan untuk dilaksanakan oleh seorang Timbalan Ra'es, kewajipan tersebut hendaklah, melainkan jika ditetapkan selainnya dalam Perlembagaan ini, dilaksanakan oleh Ra'es.

Kolej (4) Jika Ra'es tidak dapat menjalankan sebarang tugas jawatannya oleh sebab sakit, bercuti atau sebarang sebab lain, penyusunan yang berikut hendaklah dikenakan —

gaan (a) jika Ra'es telah dilantik atas sifat kerana jawatan, orang yang klah memangku atau melaksanakan tugas-tugas atas sifat kerana jawatan itu d ini hendaklah dianggap sebagai memangku jawatan Ra'es; atau

lan (b) jika Ra'es telah dilantik atas nama, Timbalan Ra'es, jika dilantik atau, jika ada lebih daripada seorang Timbalan Ra'es, salah seorang daripada rkan mereka sebagaimana yang mungkin dinamakan oleh Ra'es hendaklah iran, menjalankan tugas-tugas tersebut; dan sekiranya Timbalan Ra'es atau semua Kolej menjalankan tugas-tugas tersebut; dan sekiranya Timbalan Ra'es atau semua yang Timbalan Ra'es (jika ada lebih daripada seorang) tidak ada atau tidak berupaya atau jika Timbalan Ra'es tidak dilantik, maka Kebawah Duli Yang

Maha Mulia Paduka Seri Baginda Sultan dan Yang Di-Pertuan hendaklah, selepas berunding dengan Menteri Hal Ehwal Ugama, membuat penyusunan sementara sebagaimana yang mungkin difikirkan patut oleh Baginda bagi menjalankan tugas-tugas Ra'es.

Penolong Ra'es.

11. Majlis boleh melantik seorang Penolong Ra'es atau lebih atas syarat-syarat perkhidmatan sebagaimana yang mungkin ditentukan oleh Majlis.

Pendaftar, Ketua Perpustakaan, Bendahari dan Ketua Estet.

12. Hendaklah ada seorang Pendaftar, seorang Ketua Perpustakaan, seorang Bendahari dan seorang Ketua Estet, yang akan menjadi pegawai-pegawai utama sepenuh masa Kolej Universiti yang dilantik oleh Majlis dan yang akan mempunyai kuasa-kuasa dan kewajipan-kewajipan sebagaimana yang mungkin ditetapkan oleh statut.

Pegawai-pegawai utama yang lain.

13. Kolej Universiti boleh melantik pegawai-pegawai utama yang lain sebagaimana yang mungkin ditetapkan oleh statut.

BAHAGIAN III

PIHAK-PIHAK BERKUASA KOLEJ UNIVERSITI

Pihak-pihak berkuasa.

14. (1) Pihak-pihak berkuasa Kolej Universiti adalah Majlis, Senat, Lembaga Institusi, Lembaga Pemilihan, Lembaga Kebajikan Pelajar dan badan-badan lain sebagaimana yang mungkin ditetapkan oleh statut sebagai pihak berkuasa Kolej Universiti.

(2) Tertakluk kepada peruntukan-peruntukan Perlembagaan ini, keanggotaan, kuasa-kuasa dan prosedur pihak-pihak berkuasa hendaklah ditetapkan oleh statut.

Majlis.

15. (1) Majlis hendaklah terdiri daripada —

(a) Menteri Hal Ehwal Ugama, yang akan menjadi Pengerusi;

(b) Timbalan Menteri Hal Ehwal Ugama, yang akan menjadi Timbalan Pengerusi;

(c) tidak kurang daripada 6 orang yang akan dilantik oleh Kebawah Duli Yang Maha Mulia Paduka Seri Baginda Sultan dan Yang Di-Pertuan, 3 orang daripada mereka adalah ahli-ahli Majlis Ugama Islam;

(d) Mufti Negara Brunei Darussalam;

(e) Peguam Negara atau wakilnya;

(f) Ketua Hakim Syarie;

(g) Setiausaha Tetap Kementerian Hal Ehwal Ugama atau wakilnya;

(h) Setiausaha Tetap Kementerian Pendidikan atau wakilnya;

(i) Setiausaha Tetap Kementerian Kewangan atau wakilnya;

(j) Naib-Canselor Universiti Brunei Darussalam atau wakilnya;

(k) Rektor Universiti Islam Sultan Sharif Ali atau wakilnya;

(l) Ketua Pengarah Perkhidmatan Awam atau wakilnya; dan

(m) Ra'es.

(2) Pendaftar hendaklah menjadi setiausaha kepada Majlis.

(3) Timbalan Pengerusi hendaklah bertindak sebagai Pengerusi Majlis semasa ketiadaan Pengerusi.

(4) Semasa ketiadaan Pengerusi dan juga Timbalan Pengerusi dalam mana-mana mesyuarat Majlis, seorang ahli Majlis yang dipilih oleh ahli-ahli yang hadir dalam mesyuarat tersebut hendaklah mempengerusikan mesyuarat tersebut.

(5) Kecuali sebagaimana yang mungkin ditetapkan selainnya oleh Kebawah Duli Yang Maha Mulia Paduka Seri Baginda Sultan dan Yang Di-Pertuan, tempoh memegang jawatan bagi ahli-ahli Majlis yang dilantik di bawah cerai (1)(c) adalah 3 tahun, yang dikira mulai dari tarikh mereka dilantik dan mereka adalah layak untuk dilantik semula.

(6) Mana-mana ahli Majlis yang dilantik di bawah cerai 1(c), boleh pada bila-bila masa meletakkan jawatan sebagai seorang ahli dengan menghantar surat perletakan jawatan kepada setiausaha Majlis.

(7) Seorang Timbalan Ra'es boleh menghadiri mesyuarat-mesyuarat Majlis tetapi tidak mempunyai undi.

(8) Semua ahli Majlis hendaklah menganut ugama Islam mengikut Ahlis Sunnah Waljamaah.

Kuasa-kuasa Majlis.

16. Majlis adalah badan eksekutif Kolej Universiti dan boleh menjalankan semua kuasa yang diberikan kepada Kolej Universiti, kecuali setakat mana kuasa-kuasa itu diberikan oleh Perlembagaan ini atau statut-statut dan peraturan-peraturan kepada pihak berkuasa atau badan lain atau kepada pegawai lain Kolej Universiti:

Dengan syarat bahawa —

(a) tiada ketetapan boleh diluluskan oleh Majlis berhubung dengan sebarang perkara di bawah kuasa-kuasa Senat melainkan jika Senat telah diberikan peluang terlebih dahulu untuk menyatakan dan menghantar pendapatnya kepada Majlis mengenai perkara itu; dan

(b) tiada ahli Majlis yang merupakan seorang anggota kakitangan pengajar (selain daripada seorang pegawai utama) boleh mengambil bahagian dalam prosiding Majlis apabila Majlis mengadakan perbincangan atau membuat keputusan tentang lantikan, kenaikan pangkat dan perkara-perkara lain berhubung dengan perkhidmatan mana-mana anggota kakitangan pengajar.

Senat.

17. (1) Senat hendaklah terdiri daripada —

(a) Ra'es, yang akan menjadi Pengerusi;

(b) Timbalan-Timbalan Ra'es, jika dilantik;

(c) Penolong-Penolong Ra'es;

(d) Dekan-Dekan Fakulti;

(e) Dekan Pelajar;

(f) Ketua Perpustakaan;

(g) seorang wakil profesor sepenuh masa bagi setiap institusi, tidak termasuk profesor pelawat, yang dipilih oleh profesor-profesor institusi yang berkenaan, yang akan memegang jawatan selama 2 tahun jika layak tetapi adalah layak untuk dilantik semula:

Dengan syarat bahawa jika seorang profesor sudah menjadi ahli senat kerana jawatan, profesor itu tidaklah layak untuk mengambil bahagian dalam pemilihan wakil tersebut; dan

(h) orang lain atas nama atau atas jawatan sebagaimana yang mungkin ditetapkan oleh statut atau dilantik oleh Senat, selepas berunding dengan Ra'es, memegang jawatan bagi tempoh sebagaimana yang mungkin ditentukan oleh Senat.

(2) Ra'es boleh melantik seorang Timbalan Ra'es atau seorang Penolong Ra'es untuk menggantikannya sebagai Pengerusi dalam sebarang mesyuarat Senat jika Ra'es tidak dapat menghadiri mesyuarat tersebut:

Dengan syarat bahawa jika Timbalan Ra'es atau Penolong Ra'es tidak dapat menghadiri mesyuarat tersebut, maka Ra'es boleh melantik mana-mana ahli Senat untuk menggantikannya sebagai Pengerusi.

(3) Pendaftar hendaklah menjadi setiausaha kepada Senat.

(4) Senat adalah badan akademik Kolej Universiti dan, tertakluk kepada peruntukan-peruntukan Perlembagaan ini, statut-statut dan peraturan-peraturan, hendaklah mempunyai kawalan dan arahan am ke atas pengajaran, penyelidikan dan peperiksaan, dan penganugerahan ijazah, diploma dan sijil.

(5) Dalam melaksanakan kewajipan-kewajipan, tugas-tugas dan tanggungjawab-tanggungjawabnya, Senat boleh mewakilkan sebarang kewajipan, tugas dan tanggungjawabnya kepada ahli-ahlinya atau sebuah jawatankuasa yang terdiri daripada ahli-ahlinya.

Fakulti, Pusat dan Sekolah.

18. (1) Kolej Universiti hendaklah dibahagikan kepada sebilangan dan beberapa nama Fakulti, Pusat dan Sekolah sebagaimana yang mungkin ditetapkan oleh statut.

(2) Lembaga sesebuah Fakulti, Pusat atau Sekolah hendaklah bertanggungjawab kepada Senat bagi menyusun pengajaran matapelajaran pengajian dalam bidang kuasa Fakulti, Pusat atau Sekolah itu, mengikut mana yang berkenaan, dan boleh menjalankan tugas-tugas lain sebagaimana yang mungkin diberikan kepadanya oleh statut atau peraturan.

(3) Keanggotaan Lembaga sesebuah Fakulti, Pusat atau Sekolah adalah sebagaimana yang ditetapkan oleh statut.

Lantikan ketua dan timbalan ketua institusi dan ketua jabatan atau program pengajaran.

19. (1) Tertakluk kepada mana-mana statut Ra'es hendaklah, selepas berunding dengan Majlis, melantik —

(a) seorang Dekan berkaitan dengan setiap Fakulti dan, jika perlu, sekurang-kurangnya seorang Timbalan Dekan;

(b) seorang ketua berkaitan dengan sesebuah Pusat atau Sekolah dan, jika perlu, sekurang-kurangnya seorang timbalan ketua, yang akan digelar dengan nama sebagaimana yang mungkin ditetapkan oleh statut atau peraturan; dan

(c) seorang ketua berkaitan dengan setiap jabatan atau program pengajaran jika jabatan atau program pengajaran itu ditubuhkan di sesebuah Fakulti, Pusat atau Sekolah.

(2) Dekan sesebuah Fakulti atau ketua sesebuah Pusat atau Sekolah hendaklah menjadi pengerusi Lembaga Fakulti, Pusat atau Sekolah itu, mengikut mana yang berkenaan.

(3) Dekan sesebuah Fakulti atau ketua sesebuah Pusat atau Sekolah atau ketua jabatan atau program pengajaran hendaklah bertanggungjawab bagi menyusun pengajaran kursus-kursus atau matapelajaran-matapelajaran yang termasuk di bawah bidang kuasa Fakulti, Pusat, Sekolah atau jabatan atau program pengajaran itu, mengikut mana yang berkenaan, dan hendaklah menjalankan tugas-tugas lain sebagaimana yang mungkin diberikan kepadanya oleh statut atau peraturan atau sebagaimana yang mungkin diarahkan oleh Ra'es.

(4) Semasa ketiadaan Dekan sesebuah Fakulti atau ketua sesebuah Pusat atau Sekolah, kerana bercuti atau atas sebarang sebab lain, maka adalah sah bagi Timbalan Dekan atau timbalan ketua atau, jika ada lebih daripada seorang Timbalan Dekan atau timbalan ketua, salah seorang daripada mereka sebagaimana yang mungkin dinamakan oleh Ra'es, untuk menjalankan sebarang tugas Dekan Fakulti itu atau ketua Pusat atau Sekolah itu, mengikut mana yang berkenaan.

(5) Dekan atau Timbalan Dekan sesebuah Fakulti atau ketua atau timbalan ketua sesebuah Pusat atau Sekolah atau ketua sesebuah jabatan atau program pengajaran yang dilantik di bawah cerai (1), mengikut mana yang berkenaan, hendaklah dilantik bagi suatu tempoh tidak melebihi 2 tahun tetapi adalah layak untuk dilantik semula.

(6) Dengan tidak menghiraukan cerai (5), Ra'es boleh, selepas berunding dengan Majlis, membatalkan sebarang lantikan yang dibuat di bawah bab ini tanpa memberikan sebarang sebabnya.

(7) Dengan tidak menghiraukan peruntukan-peruntukan lain bab ini, Ra'es boleh, sementara menunggu sebarang lantikan dibuat oleh Majlis di bawah ceraian (1), melantik mana-mana orang untuk menjalankan tugas-tugas Dekan atau Timbalan Dekan sesebuah Fakulti atau ketua atau timbalan ketua sesebuah Pusat atau Sekolah atau ketua sesebuah jabatan atau program pengajaran, mengikut mana yang berkenaan.

Lembaga Pemilihan bagi guru-guru.

20. (1) Lembaga Pemilihan bagi guru-guru hendaklah, tertakluk kepada mana-mana statut, terdiri daripada —

- (a) Ra'es, yang akan menjadi Pengerusi;
- (b) Pengerusi Suruhanjaya Perkhidmatan Awam atau wakilnya;
- (c) Dekan Fakulti atau ketua Pusat atau Sekolah yang berkenaan;
- (d) seorang ahli Senat yang dilantik oleh Senat; dan
- (e) Ketua Pengarah Perkhidmatan Awam atau wakilnya;

(2) Dengan tidak menghiraukan ceraian (1), Ra'es boleh melantik Timbalan Ra'es untuk menggantikannya sebagai Pengerusi dalam sebarang mesyuarat Lembaga Pemilihan yang telah diadakan untuk mengisi sesuatu lantikan selain dari lantikan ke suatu kursi.

(3) Penglibatan pakar-pakar luar dalam membuat lantikan boleh ditetapkan oleh statut.

Lembaga Pemilihan bagi lantikan-lantikan lain.

21. Keanggotaan Lembaga Pemilihan bagi lantikan-lantikan selain dari guru-guru adalah sebagaimana yang ditetapkan oleh statut.

Lembaga Kebajikan Pelajar.

22. (1) Hendaklah diadakan Lembaga Kebajikan Pelajar yang terdiri daripada seorang pengerusi dan orang-orang lain sebagaimana yang mungkin dilantik oleh Ra'es.

(2) Lembaga Kebajikan Pelajar hendaklah mempunyai kuasa-kuasa sebagaimana yang mungkin ditetapkan oleh statut.

Persatuan Siswazah.

23. (1) Tertakluk kepada kebenaran Majlis, adalah sah bagi siswazah-siswazah Kolej Universiti yang ramainya tidak kurang daripada 30 orang untuk membentuk dan menubuhkan sebuah persatuan yang akan dikenali sebagai Persatuan Siswazah.

(2) Persatuan Siswazah hendaklah dikawal dan ditadbir menurut perlembagaannya dan aturan-aturan yang dibuat olehnya dan tiada perlembagaan dan aturan-aturan yang dibuat itu atau sebarang pindaannya boleh berkuatkuasa sehingga kebenaran mengenainya diperolehi terlebih dahulu daripada Majlis.

Tempoh memegang jawatan bagi ahli-ahli pihak berkuasa.

24. (1) Tertakluk kepada bab-bab 15(5), 17(1)(g) dan 19(5) atau mana-mana statut, tempoh memegang jawatan bagi seseorang yang dipilih atau dilantik sebagai ahli suatu pihak berkuasa, melainkan ahli kerana jawatan, adalah 3 tahun:

Dengan syarat bahawa —

(a) jika orang itu dipilih atau dilantik kerana dia memegang suatu jawatan atau adalah seorang ahli sesuatu pihak berkuasa atau badan lain, dia hendaklah berhenti daripada menjadi seorang ahli pihak berkuasa tersebut jika sebelum habis tempohnya memegang jawatan dia berhenti daripada memegang jawatan itu atau berhenti daripada menjadi seorang ahli pihak berkuasa atau badan tersebut;

(b) jika orang itu dilantik oleh Kebawah Duli Yang Maha Mulia Paduka Seri Baginda Sultan dan Yang Di-Pertuan sebagai seorang ahli mana-mana pihak berkuasa, maka Kebawah Duli Yang Maha Mulia boleh membatalkan lantikan itu pada bila-bila masa dalam tempoh lantikan tersebut; dan

(c) seseorang yang bersara apabila habis tempohnya memegang jawatan adalah layak untuk dipilih semula atau dilantik semula jika dia layak.

(2) Apabila seseorang itu menjadi ahli suatu pihak berkuasa kerana jawatan, seseorang yang dilantik untuk memangku jawatannya hendaklah menjadi ahli pihak berkuasa tersebut kerana jawatan selagi dia memangku jawatan itu dan layak.

(3) Keputusan suatu pihak berkuasa adalah sah walaupun terdapat sebarang kekosongan di kalangan ahli-ahlinya.

Keputusan majoriti dan korum mesyuarat.

25. (1) Tertakluk kepada peruntukan-peruntukan Perlembagaan ini dan mana-mana statut atau peraturan, sesuatu persoalan dalam sebarang mesyuarat mana-mana pihak berkuasa hendaklah diputuskan mengikut kelebihan undi ahli-ahli yang hadir.

(2) Pengerusi dan tiap-tiap ahli hendaklah mempunyai dan boleh menggunakan satu undi setiap seorang, tetapi sekiranya bilangan undi itu sama banyaknya, pengerusi hendaklah mempunyai dan boleh menggunakan undi kedua atau undi pemutus.

(3) Korum bagi mesyuarat mana-mana pihak berkuasa hendaklah sebagaimana yang ditetapkan oleh statut atau peraturan-peraturan atau dalam Perintah Tetap pihak berkuasa tersebut.

BAHAGIAN IV

STATUT-STATUT DAN PERATURAN-PERATURAN

Statut-statut.

26. (1) Tertakluk kepada peruntukan-peruntukan Perlembagaan ini, Canselor boleh membuat statut Kolej Universiti sebagaimana yang mungkin perlu atau mustahak bagi pentadbiran hal ehwal atau bagi melaksanakan tugas-tugas Kolej Universiti.

(2) Tanpa menjejaskan keluasan makna ceraiian (1), statut-statut boleh dibuat untuk menetapkan atau mengadakan peruntukan bagi semua atau sebarang perkara yang berikut —

(a) kuasa-kuasa dan kewajipan-kewajipan pegawai Kolej Universiti;

(b) cara-cara lantikan dan syarat-syarat perkhidmatan bagi pegawai-pegawai dan guru-guru Kolej Universiti;

(c) penentuan ijazah, diploma dan kepujian akademik lain yang akan dikurniakan oleh Kolej Universiti;

(d) pengurusan perpustakaan dan institut-institut penyelidikan;

(e) semua perkara lain yang di bawah Perlembagaan ini boleh dikawalselia oleh statut;

(f) keanggotaan, kuasa-kuasa, kewajipan-kewajipan dan prosedur pihak-pihak berkuasa Kolej Universiti;

(g) perkara-perkara yang bersampingan dengan atau berbangkit dari sebarang perkara yang tersebut di atas; dan

(h) semua perkara di bawah kuasa Kolej Universiti dan tidak diperuntukkan selainnya oleh Bahagian ini dalam Perlembagaan ini.

Prosedur bagi membuat, meminda atau membatalkan statut.

27. (1) Cadangan untuk membuat mana-mana statut atau meminda atau membatalkan mana-mana statut hendaklah disediakan oleh Majlis.

(2) Cadangan untuk membuat suatu statut baru, atau sebarang pindaan kepada suatu statut, berhubungan dengan sebarang perkara yang berikut —

(a) keanggotaan, kuasa-kuasa, kewajipan-kewajipan dan prosedur Senat, Lembaga sesebuah Fakulti, Lembaga sesebuah Pusat atau Sekolah, atau Lembaga Kebajikan Pelajar;

(b) penentuan ijazah, diploma dan kepujian akademik lain yang akan dikurniakan oleh Kolej Universiti;

(c) syarat-syarat tempat tinggal dan kebajikan pelajar;

(d) pengurusan perpustakaan;

(e) semua perkara lain dalam bidang kuasa Senat di bawah Perlembagaan ini atau mana-mana statut,

tidak boleh dikemukakan kepada Canselor sehingga cadangan tersebut telah dirujuk kepada Senat dan Senat telah melaporkan kepada Majlis pemerhatiannya tentang perkara itu.

Peraturan-peraturan.

28. Tertakluk kepada peruntukan-peruntukan Perlembagaan ini dan statut-statut, peraturan-peraturan boleh dibuat bagi semua —

(a) prinsip-prinsip yang mengawal penganugerahan ijazah, diploma dan kepujian akademik lain;

(b) bilangan dan skop peperiksaan;

(c) lantikan, kuasa-kuasa dan kewajipan-kewajipan pemeriksa dan perjalanan peperiksaan;

(d) penerimaan masuk pelajar dalam peperiksaan-peperiksaan dan kursus-kursus ijazah dan diploma Kolej Universiti;

(e) syarat-syarat tempat tinggal dan kebajikan pelajar;

(f) fee yang akan dikenakan bagi kursus-kursus pengajian, tempat tinggal, memasuki peperiksaan, ijazah dan diploma dan sebarang fee lain yang boleh dikenakan oleh Kolej Universiti;

(g) pengurusan dewan kuliah dan makmal;

(h) keanggotaan, kuasa-kuasa dan kewajipan-kewajipan mana-mana Lembaga, jawatankuasa atau badan lain yang tidak diperuntukkan secara khusus dalam Perlembagaan ini atau oleh Statut;

(i) semua perkara yang menurut Perlembagaan ini atau mana-mana statut boleh ditetapkan oleh peraturan-peraturan; dan

(j) semua perkara di bawah kuasa Kolej Universiti dan tidak diperuntukkan selainnya oleh Bahagian ini dalam Perlembagaan ini.

Prosedur bagi membuat, meminda atau membatalkan peraturan-peraturan.

29. (1) Majlis boleh, tertakluk kepada peruntukan-peruntukan bab ini, membuat, meminda atau membatalkan sebarang peraturan.

(2) Rang sebarang peraturan berhubungan dengan sebarang perkara dalam bidang kuasa Senat hendaklah dicadangkan oleh Senat; dan Majlis boleh meluluskan rang tersebut atau merujukkannya balik kepada Senat berserta dengan pemerhatian atau cadangan untuk pindaan.

Pengawalseliaan prosedur Majlis dan Senat.

30. (1) Majlis dan Senat masing-masing boleh mengawalselia prosedurnya sendiri.

(2) Majlis boleh mengawalselia prosedur Lembaga Pemilihan.

(3) Senat boleh mengawalselia prosedur Lembaga sesebuah Fakulti, Pusat atau Sekolah atau mana-mana lembaga atau jawatankuasa lain tertakluk kepada bidang kuasa Senat.

(4) Senat boleh membuat peraturan-peraturan yang menetapkan kursus-kursus pengajian atau sukatan pelajaran atau peperiksaan.

(5) Peraturan-peraturan boleh dibuat oleh suatu pihak berkuasa jika pihak berkuasa itu diberi kuasa demikian oleh Perlembagaan ini atau mana-mana statut.

Peruntukan-peruntukan tata tertib.

31. Dengan tidak menghiraukan peruntukan-peruntukan bab 26, 28 dan 30, statut-statut atau peraturan-peraturan boleh dibuat untuk mengadakan peruntukan bagi tata tertib kakitangan dan pelajar-pelajar Kolej Universiti.

Penyiaran statut dan peraturan.

32. (1) Apabila mana-mana statut atau peraturan baru dibuat, dipinda atau dibatalkan tiap-tiap statut atau peraturan, pindaan atau pembatalan tersebut hendaklah disiarkan dalam Buletin Kolej Universiti dan dalam bentuk atau dalam sebarang penerbitan Kolej Universiti sebagaimana yang mungkin ditentukan oleh Ra'es.

(2) Tiada sebarang apa pun dalam bab ini boleh dikenakan kepada —

(a) mana-mana peraturan yang hanya mengandungi arahan kepada pemeriksa atau penyelia peperiksaan atau butir-butir berkenaan dengan kursus-kursus pengajian atau sukatan pelajaran atau peperiksaan;

(b) mana-mana statut atau peraturan yang menurut ketetapan Majlis tidak akan disiarkan.

Ketidakselarasan antara Perlembagaan, statut-statut dll.

33. Sekiranya —

(a) mana-mana statut tidak selaras dengan peruntukan-peruntukan Perlembagaan ini; atau

(b) mana-mana peraturan tidak selaras dengan peruntukan-peruntukan Perlembagaan ini atau mana-mana statut,

maka peruntukan-peruntukan Perlembagaan ini atau statut itu, mengikut mana yang berkenaan, hendaklah terpakai, dan statut atau peraturan itu, mengikut mana yang berkenaan, adalah terbatal setakat ketidakselarasan itu.

BAHAGIAN V

PERUNTUKAN-PERUNTUKAN KEWANGAN

Jawatankuasa Tetap Kewangan.

34. Majlis hendaklah melantik Jawatankuasa Tetap Kewangan bagi mengawalselia dan mengawal kewangan Kolej Universiti.

Menyediakan anggaran dan tahun kewangan.

30, kan
35. (1) Adalah menjadi kewajipan Bendahari untuk menyediakan, dengan berunding dengan Pendaftar, anggaran pendapatan dan perbelanjaan Kolej Universiti bagi setiap tahun kewangan untuk pertimbangan Ra'es dan untuk dikemukakan kepada Jawatankuasa Tetap Kewangan.

atau but lam oleh
(2) Bagi maksud-maksud Bahagian ini dalam Perlembagaan ini, tahun kewangan adalah tahun kalendar atau tempoh lain sebagaimana yang mungkin ditentukan oleh Majlis.

(3) Akaun Kolej Universiti hendaklah, dengan seberapa segera yang boleh, diimbangkan bagi tahun kewangan yang lalu dan suatu penyata tahunan atau cabutannya hendaklah disediakan dalam bentuk dan dengan maklumat sebagaimana yang mungkin diarahkan dari masa ke semasa oleh Majlis.

ada gan
Anggaran tahunan.

ajlis
36. (1) Anggaran pendapatan dan perbelanjaan yang terperinci Kolej Universiti bagi mana-mana tahun kewangan yang diluluskan oleh Majlis hendaklah dikemukakan sebelum bermulanya tahun kewangan tersebut kepada Menteri Kewangan untuk dihadapkan kepada Kebawah Duli Yang Maha Mulia Paduka Seri Baginda Sultan dan Yang Di-Pertuan bagi mendapatkan titah perkenan Baginda.

kan
(2) Satu salinan rang anggaran yang disediakan oleh Jawatankuasa Tetap Kewangan untuk dikemukakan kepada Majlis hendaklah diserahkan kepada setiap ahli Majlis tidak kurang dari 7 hari sebelum tarikh yang ditetapkan bagi mesyuarat Majlis yang diadakan bagi maksud meluluskan anggaran tersebut.

an-
ana kut
(3) Majlis boleh atas budi bicaranya meluluskan, mengubahsuai atau menolak semua atau sebarang butiran yang terdapat dalam rang anggaran tersebut atau merujuk balik sebarang butiran kepada Jawatankuasa Tetap Kewangan untuk pertimbangannya atau menambah sebarang butiran dalam rang anggaran tersebut.

Anggaran tambahan.

agi
37. Majlis boleh meluluskan anggaran tambahan sebagaimana yang mungkin dikehendaki bagi mana-mana tahun kewangan untuk dihadapkan kepada Kebawah Duli Yang Maha Mulia Paduka Seri Baginda Sultan dan Yang Di-Pertuan, melalui Menteri Kewangan, untuk mendapatkan titah perkenan Baginda, yang menunjukkan sumber-sumber, jika ada, yang daripadanya mana-mana bahagian dari anggaran tambahan itu boleh dibayar.

Tiada perbelanjaan boleh dilakukan melainkan jika termasuk dalam anggaran.

38. (1) Majlis tidak boleh melakukan sebarang perbelanjaan yang tidak termasuk dalam sebarang anggaran yang diluluskan dengan syarat bahawa, tertakluk kepada peruntukan-peruntukan Perlembagaan ini Majlis boleh memindahkan semua atau mana-mana bahagian wang yang diperuntukkan —

(a) bagi satu butiran perbelanjaan tahunan yang berulang-ulang kepada satu butiran lain perbelanjaan tahunan yang berulang-ulang;

(b) bagi satu butiran perbelanjaan modal kepada satu butiran lain perbelanjaan modal.

(2) Ceraian (1) tidak boleh dikenakan kepada —

(a) wang-wang yang didepositkan dengan Kolej Universiti oleh mana-mana orang, jika menurut syarat-syarat deposit tersebut sebarang jumlah wang tersebut telah genap masanya dibayar balik;

(b) wang-wang yang dipungut dan tersilap dikreditkan kepada Dana Kolej Universiti;

(c) wang-wang yang kena dibayar oleh Kolej Universiti di bawah sebarang penghakiman atau perintah mahkamah;

(d) wang-wang yang dibelanjakan oleh Kolej Universiti bagi memulakan atau membuat pembelaan dalam prosiding undang-undang; dan

(e) perbelanjaan yang berbangkit dari sebarang harta atau wang yang disebut dalam bab 41.

Bentuk anggaran.

39. Anggaran tahunan dan tambahan hendaklah disediakan dalam bentuk dan hendaklah mengandungi maklumat sebagaimana yang mungkin diarahkan oleh Majlis.

Kuasa Majlis untuk menerima pemberian dll.

40. (1) Majlis boleh bagi pihak Kolej Universiti menerima sebagai pemberian, bantuan, wakaf, pemberian berwasiat ataupun selainnya, harta dan wang-wang untuk kewangan Kolej Universiti atas syarat-syarat sebagaimana yang mungkin ditentukan olehnya.

(2) Bendahari hendaklah menyimpan dan menyelenggara daftar-daftar semua derma yang diberikan kepada Kolej Universiti termasuk nama-nama

penderma dan sebarang syarat khas yang atasnya sebarang derma mungkin telah diberikan.

Harta yang diberikan bagi maksud-maksud tertentu hendaklah dimasukkan-kirakan dalam akaun yang berasingan.

41. Semua harta, wang atau dana yang diberikan bagi sebarang maksud tertentu hendaklah digunakan dan ditadbir menurut maksud-maksud yang kerananya harta, wang atau dana tersebut mungkin telah diberikan dan hendaklah dimasukkan-kirakan dalam akaun yang berasingan.

Bentuk kontrak.

42. Sebarang kontrak yang melibatkan perbelanjaan lebih dari \$500 oleh Kolej Universiti hendaklah dibuat secara bertulis, ditandatangani bagi pihak Kolej Universiti oleh seorang yang bertindak dengan kuasa yang nyata atau tersirat Kolej Universiti:

Dengan syarat bahawa sebarang kontrak (selain dari suatu kontrak yang disebut dalam bab 54(2)) yang melibatkan perbelanjaan lebih dari \$10,000 oleh Kolej Universiti, dan sebarang kontrak yang jika dibuat di antara orang-orang persendirian adalah dikehendaki oleh undang-undang untuk dimeterai hendaklah disempurnakan dengan membubuh meterai biasa Kolej Universiti pada kontrak tersebut.

Dividen dilarang.

43. Tiada dividen atau bonus boleh dibayar dan tiada pemberian atau pembahagian wang boleh dibuat oleh atau bagi pihak Kolej Universiti kepada atau di kalangan mana-mana ahlinya kecuali sebagai hadiah, ganjaran atau pemberian khas atau sebagai sebahagian dari syarat-syarat perkhidmatan kakitangan Kolej Universiti.

Audit.

44. (1) Akaun Kolej Universiti hendaklah diaudit pada tiap-tiap tahun oleh —

(a) Juruaudit Agung; atau

(b) mana-mana orang yang telah dibenarkan untuk melaksanakan kewajipan-kewajipan yang dikehendaki oleh Akta Syarikat (Penggah 39) untuk dilaksanakan oleh seorang juruaudit, yang akan dilantik pada tiap-tiap tahun oleh Majlis:

Dengan syarat bahawa jika akaun Kolej Universiti telah diaudit oleh seseorang yang dilantik di bawah perenggan (b), akaun itu boleh disahkan

oleh Juruaudit Agung sebelum ia dikemukakan kepada Menteri Kewangan menurut ceraihan (2).

(2) Akaun yang telah diaudit itu, berserta dengan sebarang pemerhatian yang dibuat mengenainya oleh juruaudit-juruaudit, hendaklah dikemukakan kepada Menteri Kewangan.

BAHAGIAN VI

PELAJAR-PELAJAR KOLEJ UNIVERSITI

Penerimaan masuk pelajar.

45. Seseorang pelajar tidak boleh diterima masuk untuk mengikuti sebarang kursus pengajian di Kolej Universiti melainkan jika dia telah memenuhi kehendak-kehendak kemasukan yang ditetapkan bagi kursus pengajian itu.

Persatuan Pelajar dan Majlis Perwakilan Pelajar.

46. (1) Pelajar-pelajar berdaftar Kolej Universiti, selain daripada pelajar-pelajar luar atau pelajar-pelajar bukan ijazah atau pelajar-pelajar diploma lepas ijazah atau pelajar-pelajar ijazah tinggi, hendaklah menubuhkan suatu badan yang akan dikenali sebagai Persatuan Pelajar Kolej Universiti Perguruan Ugama Seri Begawan (selepas ini dalam Perlembagaan ini disebut sebagai "Persatuan Pelajar").

(2) Persatuan Pelajar, badan-badan komponen dan badan-badan pelajarnya hendaklah dikawal dan ditadbir menurut peruntukan-peruntukan yang ditetapkan oleh statut atau peraturan-peraturan atau perlembagaannya masing-masing dengan syarat bahawa tiada perlembagaan atau pindaannya itu boleh berkuatkuasa melainkan jika dan sehingga diluluskan oleh Majlis.

(3) Majlis boleh mengenakan dan memungut daripada pelajar-pelajar berdaftar dan mana-mana golongan pelajar yang lain fee sebagaimana yang mungkin ditentukan oleh Ra'es untuk faedah Persatuan Pelajar dan badan-badan komponennya, dan fee tersebut boleh digunakan mengikut cara sebagaimana yang difikirkan patut oleh Majlis bagi maksud Persatuan Pelajar dan badan-badan komponennya.

(4) Bagi maksud bab ini "pelajar berdaftar" bermakna seseorang pelajar yang sedang mengikuti suatu kursus sepenuh masa yang membawa kepada ijazah pertama atau diploma, bukannya diploma lepas ijazah, atau sijil Kolej Universiti dengan syarat bahawa seseorang pelajar itu hendaklah terhenti daripada menjadi seorang pelajar berdaftar bagi maksud bab ini jika dia telah lulus peperiksaan akhir kursusnya untuk mendapatkan ijazah melainkan jika Ra'es membenarkan secara bertulis bahawa pelajar itu, jika dia adalah seorang ahli Majlis Perwakilan Pelajar, boleh terus menjadi seorang pelajar berdaftar dalam makna bab ini

wangan

sehingga pemilihan Majlis Perwakilan Pelajar yang baru pada tahun akademik yang berikutnya atau bagi tempoh yang lebih pendek sebagaimana yang mungkin ditentukan oleh Ra'es.

erhatian
tukakan

Penubuhan badan pelajar lain.

47. (1) Dengan tidak menghiraukan bab 46, adalah sah bagi tidak kurang daripada 10 orang pelajar berdaftar Kolej Universiti, dengan kebenaran Majlis terlebih dahulu dan tertakluk kepada syarat-syarat sebagaimana yang mungkin ditentukan oleh Majlis, untuk menubuhkan suatu badan pelajar yang terdiri daripada pelajar-pelajar Kolej Universiti bagi menggalakkan sesuatu matlamat atau kepentingan tertentu di dalam Kolej Universiti.

ebarang
menuhi
1.

(2) Majlis boleh, atas nasihat Ra'es, menghendaki mana-mana badan pelajar yang ditubuhkan di bawah bab ini untuk bergabung dengan Persatuan Pelajar tertakluk kepada syarat-syarat sebagaimana yang mungkin ditentukan oleh Majlis.

Perbuatan yang dilakukan oleh pelajar terhadap perlembagaan, statut atau peraturan Kolej Universiti.

-pelajar
s ijazah
ng akan
na Seri
rsatuan

48. Jika seseorang pelajar Kolej Universiti berkelakuan dengan cara yang, pada pendapat Ra'es, boleh merosakkan atau memudaratkan kesejahteraan atau reputasi Kolej Universiti atau melakukan perbuatan yang menyalahi perlembagaan atau mana-mana statut atau peraturan Kolej Universiti, maka pelajar itu hendaklah dikenakan hukuman tatatertib sebagaimana yang mungkin ditentukan oleh Ra'es atau di bawah peraturan-peraturan tatatertib Kolej Universiti.

ajarnya
1 yang
masing-
1 boleh

Perbuatan *ultra vires* yang dilakukan oleh badan pelajar terhadap perlembagaannya sendiri, Perlembagaan, statut atau peraturan Kolej Universiti.

-pelajar
na yang
1-badan
aimana
1-badan

49. Jika Persatuan Pelajar, Majlis Perwakilan Pelajar atau suatu badan pelajar yang ditubuhkan di bawah bab 47 berkelakuan dengan cara yang, pada pendapat Ra'es, boleh merosakkan atau memudaratkan kesejahteraan atau reputasi Kolej Universiti atau melakukan perbuatan yang menyalahi perlembagaan Kolej Universiti atau perlembagaannya sendiri atau mana-mana statut atau peraturan Kolej Universiti, maka Ra'es boleh menggantung dan Majlis boleh, atas nasihat Ra'es, membubarkan Persatuan Pelajar atau Majlis Perwakilan Pelajar atau badan pelajar itu, mengikut mana yang berkenaan; dan tiap-tiap pemegang jawatan dalam Persatuan Pelajar atau Majlis Perwakilan Pelajar atau badan pelajar tersebut, mengikut mana yang berkenaan, hendaklah dikenakan hukuman tatatertib sebagaimana yang mungkin ditentukan oleh Majlis atau di bawah peraturan-peraturan tatatertib Kolej Universiti.

pelajar
a ijazah
iversiti
nenjadi
riksaan
narkan
wakilan
bab ini

Penggantungan dan pemecatan pelajar yang dituduh melakukan kesalahan jenayah atau yang terhadapnya kesalahan jenayah dibuktikan.

50. (1) Jika seseorang pelajar Kolej Universiti dituduh melakukan suatu kesalahan jenayah, dia hendaklah dengan serta-merta selepas itu digantung daripada menjadi seorang pelajar Kolej Universiti.

(2) Jika sesebuah mahkamah mendapati bahawa suatu pertuduhan atas suatu kesalahan jenayah dibuktikan terhadap seseorang pelajar Kolej Universiti pelajar itu hendaklah dengan serta-merta selepas itu terhenti daripada menjadi seorang pelajar Kolej Universiti.

(3) Ra'es boleh atas budi bicara mutlaknyanya, pada bila-bila masa dan dalam sebarang kes tertentu, mengecualikan seseorang pelajar itu daripada penganan peruntukan-peruntukan cerai (1) atau (2), mengikut mana yang berkenaan sama ada tanpa syarat atau atas syarat-syarat atau bagi tempoh sebagaimana yang dianggap patut oleh Ra'es.

Penguasa tata tertib berkaitan dengan pelajar.

51. (1) Penguasa tata tertib Kolej Universiti berkaitan dengan tiap-tiap pelajar Kolej Universiti adalah Timbalan Ra'es atau, jika ada lebih daripada seorang Timbalan Ra'es, salah seorang daripada mereka yang mungkin dinamakan oleh Ra'es atau, jika tidak ada Timbalan Ra'es, anggota kakitangan atau pegawai Kolej Universiti yang mungkin dinamakan oleh Ra'es sebagai penguasa tata tertib.

(2) Timbalan Ra'es, yang merupakan penguasa tata tertib di bawah cerai (1), boleh mewakilkan sebarang tugas, kuasa atau kewajipan tata tertibnya kepada suatu lembaga yang terdiri daripada anggota kakitangan atau pegawai pegawai Kolej Universiti atau kepada mana-mana anggota kakitangan atau pegawai Kolej Universiti dengan syarat bahawa Timbalan Ra'es hendaklah mempunyai kuasa untuk mengkaji semula, membatalkan atau menguba sebarang keputusan atau pendapat lembaga atau anggota kakitangan atau pegawai Kolej Universiti yang diwakilkan dengan tugas-tugas, kuasa-kuasa atau kewajipan kewajipan tata tertib tersebut.

BAHAGIAN VII

PERUNTUKAN-PERUNTUKAN AM

Konvokesyen.

52. (1) Konvokesyen bagi penganugerahan ijazah hendaklah diadakan pada tiap-tiap tahun, atau seberapa kerap yang mungkin diarahkan oleh Canselor, pada suatu tarikh sebagaimana yang mungkin dibenarkan oleh Canselor.

atau

(2) Semasa ketiadaan Canselor atau Pro-Canselor yang diberi kuasa bagi maksud ini oleh Canselor, Ra'es hendaklah mempengerusikan Konvokesyen.

suatu
rtung

(3) Prosedur Konvokesyen hendaklah ditetapkan oleh statut.

Peruntukan-peruntukan tata tertib dan penguasa tata tertib berkaitan dengan kakitangan Kolej Universiti.

atas
ersiti,
njadi

53. (1) Tertakluk kepada cerai (4), penguasa tata tertib Kolej Universiti berkaitan dengan tiap-tiap anggota kakitangan Kolej Universiti adalah Jawatankuasa Tata tertib Kolej Universiti yang terdiri daripada —

dalam
naan
naan,
yang

(a) 2 orang ahli Majlis yang dipilih oleh Majlis, salah seorang daripadanya hendaklah dilantik oleh Majlis sebagai Pengerusi; dan

(b) Ra'es.

(2) Pada menjalankan tugas-tugas tata tertibnya, Jawatankuasa Tata tertib hendaklah mempunyai kuasa untuk mengambil tindakan tata tertib dan mengenakan hukuman tata tertib sebagaimana yang mungkin diperuntukkan di bawah mana-mana statut atau peraturan.

elajar
orang
oleh
Kolej

(3) Jawatankuasa Tata tertib boleh mewakili sebarang tugas, kuasa atau kewajipan tata tertibnya kepada mana-mana anggota kakitangan atau pegawai Kolej Universiti atau mana-mana lembaga yang terdiri daripada anggota kakitangan atau pegawai-pegawai Kolej Universiti, berkaitan dengan mana-mana anggota kakitangan atau pegawai Kolej Universiti yang tertentu atau berkaitan dengan mana-mana golongan atau kategori anggota kakitangan atau pegawai-pegawai Kolej Universiti dengan syarat bahawa —

dawah
ibnya
gawai-
atau
laklah
ubah
gawai
jipan-

(a) anggota kakitangan atau pegawai Kolej Universiti atau lembaga yang diwakili dengan tugas-tugas, kuasa-kuasa atau kewajipan-kewajipan tersebut hendaklah melaksanakan, menjalankan dan menunaikan tugas-tugas, kuasa-kuasa atau kewajipan-kewajipan tersebut di bawah arahan dan kawalan Jawatankuasa Tata tertib yang mempunyai kuasa untuk mengkaji semula, membatalkan atau mengubah sebarang keputusan atau pendapat anggota kakitangan atau pegawai atau lembaga tersebut; dan

(b) tiada sebarang perwakilan boleh dibuat di bawah cerai ini bagi membolehkan seseorang anggota kakitangan atau pegawai Kolej Universiti untuk menjalankan sebarang kuasa tata tertib atau menjadi seorang ahli suatu lembaga yang boleh menjalankan sebarang kuasa tata tertib ke atas seseorang anggota kakitangan atau pegawai yang pangkatnya lebih tinggi daripadanya.

pada
pada

(4) Jawatankuasa Tata tertib tidak mempunyai bidang kuasa berkaitan dengan Canselor, Pro-Canselor atau Ra'es.

(5) Mana-mana anggota kakitangan Kolej Universiti yang tidak berpuas hati dengan keputusan penguasa tatatertib yang disebutkan dalam bab ini boleh merayu terhadap keputusan tersebut kepada Majlis yang boleh memberi keputusan mengenainya sebagaimana yang dianggapnya patut dan wajar.

Lantikan guru dan pekerja.

54. (1) Semua orang yang diambil bekerja atau hendak diambil bekerja oleh Kolej Universiti selain daripada orang-orang yang disebutkan dalam bab-bab 9 dan 10 hendaklah, tertakluk kepada peruntukan-peruntukan Perlembagaan ini, dilantik oleh Majlis.

(2) Tiap-tiap orang yang diambil bekerja oleh Kolej Universiti hendaklah, tertakluk kepada peruntukan-peruntukan Perlembagaan ini atau mana-mana statut atau peraturan, memegang jawatan atas syarat-syarat sebagaimana yang mungkin ditetapkan oleh Majlis dan syarat-syarat yang akan ditetapkan itu hendaklah dianggap termasuk suatu peruntukan —

(a) berkenaan dengan kewajipan mengajar, memeriksa, menyelia dan kewajipan lain yang seumpamanya, bahawa pengambilan kerjanya adalah tertakluk kepada peruntukan-peruntukan Perlembagaan ini dan peruntukan-peruntukan semua statut dan peraturan yang dipinda dari masa ke semasa; dan

(b) berkenaan dengan semua syarat perkhidmatan yang lain bahawa pengambilan kerjanya adalah tertakluk kepada peruntukan-peruntukan Perlembagaan ini dan peruntukan-peruntukan semua statut dan peraturan yang berkuatkuasa pada tarikh dia mula berkerja.

(3) Tiada sebarang apa pun dalam bab ini boleh menghalang Majlis daripada membuat suatu penyusunan di bawah kontrak khas dengan seseorang yang hendak diambil bekerja oleh Kolej Universiti jika pada pendapat Majlis mustahak untuk berbuat demikian.

Semua lantikan hendaklah tertakluk kepada Perintah ini dan sebarang undang-undang tambahan di bawahnya.

55. Dengan tidak menghiraukan bab 54 atau sebarang peruntukan lain Perlembagaan ini, tiap-tiap orang yang diambil bekerja oleh Kolej Universiti hendaklah memegang jawatan tertakluk kepada peruntukan-peruntukan Perintah ini dan sebarang undang-undang tambahan yang dibuat di bawahnya dan syarat-syarat pengambilan kerja atau lantikannya hendaklah dianggap termasuk suatu peruntukan bagi maksud ini.

Kuasa untuk mewakilkan.

56. (1) Jika menurut peruntukan-peruntukan Perlembagaan ini atau mana-mana statut atau peraturan, mana-mana pegawai atau badan diberi kuasa untuk menjalankan sebarang kuasa atau melaksanakan sebarang kewajipan, maka pegawai atau badan itu boleh dengan suratcara secara bertulis tertakluk kepada peruntukan-peruntukan bab ini dan syarat-syarat dan sekatan-sekatan sebagaimana yang mungkin ditetapkan dalam suratcara itu, mewakilkan perjalanan kuasa-kuasa tersebut atau pelaksanaan kewajipan-kewajipan tersebut kepada mana-mana badan atau mana-mana jawatankuasa atau mana-mana orang yang dinyatakan dalam suratcara itu dengan nama atau jawatannya.

(2) Suatu perwakilan di bawah bab ini boleh dibatalkan pada bila-bila masa oleh pegawai atau badan yang membuat perwakilan itu.

(3) Tiada perwakilan sebarang kuasa atau kewajipan di bawah bab ini boleh menjejaskan perjalanan kuasa tersebut atau pelaksanaan kewajipan tersebut oleh pegawai atau badan yang membuat perwakilan itu.

(4) Tiada sebarang apa pun dalam bab ini boleh dikenakan kepada sebarang kuasa untuk membuat atau meluluskan statut-statut atau peraturan-peraturan.

Perlucutan ijazah dll. atas alasan salah laku.

57. Jika mana-mana ahli suatu pihak berkuasa, atau mana-mana siswazah Kolej Universiti, atau mana-mana orang yang telah mendapat diploma atau kepujian akademik lain daripada Kolej Universiti, disabitkan oleh sesebuah mahkamah atas sebarang kesalahan jenayah yang buruk sama ada di dalam atau di luar Negara Brunei Darussalam, atau pada pendapat Majlis adalah bersalah kerana melakukan perbuatan skandal, maka adalah sah bagi Canselor, atas sokongan tidak kurang dari dua pertiga daripada semua ahli Majlis —

(a) untuk memecatnya daripada menjadi ahli pihak berkuasa itu; atau

(b) untuk melucutkan sebarang ijazah, diploma atau kepujian akademik lain yang telah diberikan kepadanya oleh Kolej Universiti.

Pertikaian tentang pemilihan hendaklah diputuskan oleh Canselor.

58. Jika sebarang persoalan timbul sama ada mana-mana orang telah sempurna dipilih, dilantik, dinamakan atau diko-opt untuk menjadi ahli atau berhak menjadi atau kekal menjadi ahli mana-mana pihak berkuasa atau badan lain di Kolej Universiti, maka persoalan tersebut hendaklah dirujuk kepada Canselor, dan keputusan Canselor mengenainya adalah muktamad.

Peruntukan-peruntukan peralihan.

59. (1) Mana-mana orang yang sejeurus sebelum tarikh permulaan kuatkuasa Perintah ini adalah seorang pelajar di Maktab Perguruan Ugama Seri Begawan hendaklah, pada tarikh itu, dianggap sebagai seorang pelajar Kolej Universiti.

(2) Mana-mana pelajar yang telah lulus dalam sebarang peperiksaan dalam tahun kedua atau ketiga suatu kursus pengajian di Maktab Perguruan Ugama Seri Begawan sebelum tarikh permulaan kuatkuasa Perintah ini hendaklah dianggap telah lulus dalam peperiksaan yang sama yang dijalankan oleh Kolej Universiti di bawah Perintah ini.

Diperbuat pada hari ini 28 haribulan Syaaban, Tahun Hijrah 1429 bersamaan dengan 30 haribulan Ogos, 2008 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM